



UNIVERSITÄTS-
BIBLIOTHEK
PADERBORN

**Praxis Beneficiorvm D. Petri Rebvffi Montispessvlani
Ivrvvm Doct. Ac Comitiss, Ivrisqve Pontificii Ordinarii
Professoris Paris. & ibidem in supremo Senatu Causarum
Patroni**

Rebuffi, Pierre

Coloniae, 1610

De nominationibus.

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

3 Et regulariter hoc rescriptum datur ad vacatura, & Papa examinari mandat impetrantem, & post examinationem, si eum idoneum inuenerit, prouideri: ideo solet apponi clausula, Mandamus quatenus, si post diligentem examinationem dilectum N. ad obtinendum beneficium idoneum esse reperiis, super quo tuam conscientiam oneramus, eidem N. autoritate Apostolica conferas, & prouideas.

4 Hodie bonum esset, ut ista inquisitio fieret ab ordinario, & comprobaretur rescriptum pontificis summi, quem admodum comprobantur rescripta principum secularium: quia multa mendacia Papæ exprimuntur, & hoc fieret saltem ex officio: nisi ordinarius videret inferri grauamen alteri, tunc ille vocandus esset, & summarie esset audiendus, & expediendus: nam maius periculum est in his beneficiis, quam in profanis, ideo in hoc esset cautius agendum. *c. ubi periculum, de elect. lib. 6. sed dignū hodie arbitramur afferenti pecuniam prouidere, quod est alienum ab hoc rescripto.*

De Nominationibus.

Nomina-
tiones sunt
loco expe-
ctatiuæ.

Vltimum est rescriptum ad vacatura per nominationes concessas ab vniuersitatibus graduatis: Papa olim solebat istis dare expectatiuas, verum quia post completum studium pauperes non valebant has expectatiuas à Papa impetrare, ob id statuit concilium Basiliense, dandas esse has literas ab vniuersitatibus Franciæ, quod approbauit Gallicum concilium: *ut patet in tit. de colla. in prag. & hodie Papa, & Rex hæc approbarunt in concor. in rub. de colla.*

Sunt quædam aliæ nominationes, quæ consiliariis senatus Paris. conceduntur, de his an ritè concessæ sint, me remitto ad eorum concessionem, ne plura, vide Petrum Paulum Paris. *conf. 40. quamuis, in 4. vol. & Sisphile. in tract. de liter. gratis, in 3. forma manda. versic. & ista sunt notanda.*

Notandum tamen est, quod Galli in hoc regno Franciæ communius non vtuntur

his scriptis, nisi duobus mandatis, videlicet & nominationibus: & alia rescripta ad vacatura sunt per iura Gallica, & per desuetudinem, imò per contrarium vsum ferè abrogata, ideo super nominationibus edidi vnum tractatum, quem adiunxit, gl. concor. vbi abundè hanc tractauit materiam, igitur amplius hic non eam tradam, sufficiat ibi dixisse.

Signa tamen, quòd petenti à Papa sibi prouideri de vacaturo, dantur literæ de vacante, & è conuerso, prout expedierit impetranti, *ut est in regula cancella. 68. hæc tamen de rescriptis ad vacatura beneficia: pergamus ad vacantia, in quibus frequentissima & vtilissima aderit materia.*

De rescriptis ad beneficia vacantia.

Supereft, ut nunc scribamus de rescriptis, quæ beneficia respiciunt vacantia, & hæc quidem varia sunt: sed ea quæ habentur in vfu quotidiano tractabimus, reliqua dicanis curiæ Romanæ, qui super his versantur, relinquentes.

2 Primum itaque dicendum est beneficium vacans aut in titulum concedi, aut in commendam, vel in proprietatem, ut per vñionem: *de quibus inferius dicitur.* In titulum tunc concedi dicitur, quando alicui sic assignatur ecclesia, ut in illa conscribi, denominariq; ac illi ecclesiæ præesse possit.

3 Et dicitur intitulata illa ecclesia, id est, conscripta alicui, & iure assignata, *inc. dudum. 2. de elect. vbi gl. exponit, & text. in c. 1. in 12. q. 1. dicit quem non debere connumerari in duabus ecclesiis, ut inter clericos numeretur, duarum ecclesiarum. glo. ibi. & ibidem dicitur in si. neminem debere conscribi in duabus ecclesiis: & idem dicitur in c. clerici, ibid.*

4 Et conscribi pro intitulari exponit Archidia. *in summa, ibidem dicens ideo dicitur quia olim nomina clericorum in quadam charta seu libro scribebantur, quæ vocabatur matricula. c. contumaces. 1. dist. de qua triplici matricula scripsi in tracta. de regestris in 2. tomo consue. reg.*

Petenti prouideri de vacaturo conceditur etiam de vacante.

Vacante beneficium aut in titulum, aut in commendam, aut in proprietate datur. quando beneficium concedatur.